

ԷԹՆՈԴԱԿԱՆԱԿԱՆ ԳՈՐԾԸՆԹԱՑՆԵՐԸ ՆԱԽԻՋԵԻԱՆՈՒՄ.

Հայաստանի ինչպէս արեւմտեան, այնպէս էլ արեւելեան մասերում էթնոգաւանական իրադրութեան վրայ զգալիօրէն մեծ էր օտար տիրապետողների կողմից վարուող տնտեսական քաղաքականութեան ազդեցութիւնը: Հայ բնակչութեան ոչ բոնի եղանակով մահմեդականացման ընթացքը իրականացում էր տնտեսական լծակների մի ամբողջ համակարգի օգնութեամբ: Արեւմտեան Հայաստանում, ի թիւս այլ լծակների, յատկանշական էր նաեւ թուրքական «ֆութուվաթի» քաղաքականութիւնը, երբ «թուրքական տիրապետութեան տակ գտնուող հայկական նահանգներում հայ արհեստավորները, իրենց արհեստներն ի գործ դնելու իրաւունքին տիրանալու համար, բռնադատում էին իսլամների հետ միասին անդամակցելու թուրքական արհեստավորական միավորումներին, իսկ անդամակցելու համար՝ նրանց նման ենթարկում էին իսլամական սահմանուած ծիսակատարութիւններին եւ այդ միջոցով՝ իսլամութիւն ընդունելու թելադրանքներին»¹:

Արեւելեան Հայաստանում տնտեսական միջոցառումների նման համակարգ էր «Իմամ Զաֆարի» անունով յայտնի օրէնքը, համաձայն որի մահմեդականութիւն ընդունած նախկին քրիստոնեան իրաւունք էր ստանում լիովին ժառանգելու իր քրիստոնեայ ազգակիցների ողջ ունեցուածքը, անկախ ազգակցութեան աստիճանից²: Օրէնքը համառօտ արտայայտուած է հետեւեալ նախադասութիւնում. «Եթէ կայ մահմեդական ժառանգ, անհաւատները (այսինքն՝ քրիստոնեաները - Մ. Կ.) ժառանգութիւնից զրկում են»: Օրէնքը գործադրութեան պարարտ հող գտաւ ոչ միայն ունեւոր խաւերում

emanatae. Pars prima. Romæ, Ex Typographia Francisci Caballi, MDCLV [1655], pp. 267-271);

1670-71 թթ. - Պետրոս Պետիկի զեկոյցը (տե՛ս Bedik P. Cehil Sutun, pp. 363-387);

1703 թ. - Ստեփանոս Շիրանի զեկոյցը (SOCC, vol. 544, f. 123-126);

1739 թ. - Սալուինիի զեկոյցը (SOCC, vol. 698, f. 391rv):

1 **Յ. Ս. Անասեան.** Թուրքական ֆութուվաթը եւ հայերը (Օսմանեան կայսրութեան ձուլողական քաղաքականութեան պատմութիւնից). Վիեննա, 1985, էջ 85:

2 Օրէնքի պաշտօնական ձեւակերպումը պարսկական եւ երոպական աղբիւրներում տե՛ս **Յ. Փափազեան.** Սեֆեան Իրանի ասիմիլեատորական քաղաքականութեան հարցի շուրջը. - «Բանբեր Մատենադարանի», 3, Երեւան, 1956, էջ 89-91, Մատենադարանի պարսկերէն վաւերագրերը. 1, Հրովարտակներ, պրակ երկրորդ (1601-1650 թթ.), կազմեց Յ. Գ. Փափազեան, Երեւան, 1959, վաւ. 16, էջ 101-103: